

ծում³⁴ բաժանում է վերոհիշյալ մտքերը և միաժամանակ ընդգծում, որ շի կարելի անգիտանալ արևմտահայերի ազատագրման գործում հայ բոլշևիկների բռնած ճիշտ դիրքը: Հոգվածում ցույց է տրվում, որ շինծու է այն միտքը, թե իբրե մարքսիստները կոխվ են հայտարարում «բազմաշարժար տանկահայ ժողովրդի ազատության համար մղվող կռիվն»:

Հայ մարքսիստներն սկզբից ևեթ մտահոգվել են արևմտահայերի բախտով «Ուղարկելով Տանկաստանում կռվող եղբայրներին մեր սոցիալիստական ողջույնը,— գրում էր թերթը,— մենք բացարձակ կերպով հայտարարում ենք մեր համակրությունը բազմաշարժար տանկահայ ժողովրդի ազատաբար գործին և մեր անկեղծ ցանկությունն է, որ ազատությունը հասնի որքան կարելի է շուտ»³⁵:

ՌՍԴԲԿ Թիֆլիսի, Բաքվի, Բաթումի կոմիտեների, Կովկասյան միություն տեղական լենինյան-իսկրայական կազմակերպությունների և խմբերի կազմում գործում էին տարբեր ազգերի բանվորական շարժման ակտիվ գործիչներ, հավատարիմ լենինյաններ, որոնց հայացքներն ու գործունեությունը խաբլըսված էին հեղափոխական մարքսիզմի հզոր տեսության, պրոլետարական ինտերնացիոնալիզմի վրա: Նրանք իրենց ինտերնացիոնալ պրոպագանդայով և ագիտացիայով հաղթահարում էին ազգային մեկուսացման և օտարացման արգելքները, նպաստում դարերի ի վեր կողք-կողքի ապրող ժողովուրդների մերձեցմանը, աշխատավորների դասակարգային ինքնագիտակցության հասունացմանը: Բոլոր հուզող հարցերի մասին թուղիկներն ու կոչերը հրատարակվում էին ռուսերեն, հայերեն, վրացերեն, ադրբեջաներեն և այլ լեզուներով: «Ռուսը տարածում և փակցնում էր հայկական և վրացական պրոկլամացիաներ,— գրում էր լենինյան «Իսկրան»,— հայ բանվորն ագիտացիա էր մղում թաթարների մեջ, վրացի դրաշարը տպագրում էր ռուսական թուղիկներ և նրանք բոլորը միասին, համատեղ, մշակում էին ցույցերի, գործադուլների, կազմակերպական ժողովների գործողությունների պլանը»³⁶: Այս բոլորի շնորհիվ կոխվում էր Անդրկովկասի ժողովուրդների բարեկամությունը, երկրամասի պրոլետարիատը հանդես էր գալիս որպես մի միասնական ուժ: Դա միակ ճիշտ տակտիկան էր, որ վարում էին երկրամասի լենինյանները: «Միայն կազմակերպվելով որպես միասնական, լրիվ ինքնուրույն կուսակցություն առանց ազդությունների խտրության,— 1903 թ. գրել է Բ. Կնունյանցը,— Ռուսաստանի պրոլետարիատը կարող է դառնալ այն հզոր քաղաքական ուժը, որն ընդունակ կլինի դառնալու երկրի բոլոր հեղափոխական ուժերի իսկական ավանգարդը և վերջնականապես ջախջախելու ինքնակալությունը»³⁷:

2. ԲԱՆՎՈՐԱԿԱՆ ԵՎ ԳՅՈՒՂԱՑԻԱԿԱՆ ՀԱՐԺՈՒՄՆԵՐԸ

1900—1903 թթ. ծավալված համաշխարհային տնտեսական ճգնաժամն էլ ավելի սրեց հակասությունները երկրում: Կապիտալիզմը իմպերիալիզմի դարաշրջանում դառնում էր ավելի գիշատիչ: Աճում էին մոնոպոլիստական միավորումները: Իրար ետևից անհետանում էին մասեր ու միջին ձեռնարկու-

34 «Մեր պատասխանը» հոգվածի հեղինակը Բ. Կնունյանցն է:

35 «Պրոլետարիատի կոխիլը», № 2—3, 1903:

36 «Искра», № 51, 22 октября 1903 г.

37 Նույն տեղում:

թյունները, փակվում հազարավոր ֆարրիկաներ ու գործարաններ: Փողոց էին նետվում տասնյակ հազարավոր բանվորներ: Ստեղծված նոր իրադրության պայմաններում բանվորները տնտեսական գործադուլներից անցնում են քաղաքական ցույցերի: Սկսվում է բանվորական շարժման վերելքը: 1901 թ. գարնանը ՌՍԴԲԿ Պետերբուրգի, Մոսկվայի, Խարկովի, Կիևի, Քիֆլիսի, Բաքվի, Կազանի, Սարատովի, Եկատերինոսլավի և այլ քաղաքների լենինյան-իսկրայական կոմիտեների կոչով քաղաքական ցույցերի են ելնում հազարավոր բանվորներ՝ «Կուրչի ինքնակալությունը» լուգունգով:

Անդրկովկասի բանվորական շարժումների փառահեղ էջերից է 1900 թ. Քիֆլիսի օգոստոսյան գործադուլը, որին մասակցում էին նաև բազմաթիվ հայ բանվորներ: Քիֆլիսի երկաթուղային արհեստանոցների 4000 բանվորներ օգոստոսի 14-ին, աշխատանքը դադարեցնելով, պահանջեցին 8-ժամյա բանվորական օր, աշխատավարձի ավելացում, բանվորների տնտեսական պայմանների բարելավում: Գործադուլը տևեց 15 օր: Այդ օրերին Քիֆլիսում ռազմական դրույթուն հայտարարվեց. սկսվեցին մասսայական ձերբակալություններ: Բանտարկված բանվորների կանայք ցույց կազմակերպեցին: Դա Անդրկովկասում կանայքի առաջին ցույցն էր:

1901 թ. նշանավորվեց մի շարք գործադուլներով: Միայն հունվար և փետրվար ամիսներին, «Իսկրայի» տվյալներով, Քիֆլիսում տեղի է ունեցել 15 գործադուլ: Մարտին ձերբակալվեցին Քիֆլիսի սոցիալ-դեմոկրատական կազմակերպության մի շարք ղեկավար աշխատողներ, այդ թվում՝ Վ. Կուռնատովը³⁸, Ի. Ֆրանչեսկին, Ֆ. Մախարաձեն, Հ. Զարգարյանը և ուրիշներ³⁹: Մայիսմեկյան տոնի նախօրյակին իշխանությունները Քիֆլիս կանչեցին լրացուցիչ զորքեր: ՌՍԴԲԿ Քիֆլիսի կոմիտեի կոչով քաղաքի կենտրոնում՝ Սալդատսկի բազարի, Ալեքսանդրովյան այգու շրջանում մոտ 3000 ցուցարարներ հավաքվում են «Պրոլետարներ բոլոր երկրների, միացե՛ք» կոչով և Կ. Մարքսի ու Ֆ. Էնգելսի նկարներով զարդարված կարմիր դրոշի շուրջը: Այսանդ արյունոտ ընդհարում է տեղի ունենում ոստիկանության և անզեն ցուցարարների միջև: «Ահա ընկնում է վիրավոր բանվորը,— այդ օրերին «Իսկրայում» գրել է ցույցի ականատեսներից Մելիք Մելիքյանը,— նա ամբողջովին արյան մեջ է, ոստիկաններն սկսում են ոտքերով տրորել նրան, իսկ նա անդադար շարունակում է գոչել. «Կեցցե՛ սոցիալիզմը» կեցցե՛ ութժամյա աշխատանքը»: Հաղթամարմին դրոշակակիր Առաքելը (հայ) մի ձեռքով բռնում է իր զլխին բարձրացրած սուրը, ջարդում, երկու մասի բաժանում...»³⁹: Այդ օրը վիրավորվեց 14 ձերբակալվեց ավելի քան 50 ցուցարար: Քիֆլիսի բանվորների այս ցույցի մասին «Իսկրան» գրել է. «Կիրակի, ապրիլի 22-ին (հին տոմարով) Քիֆլիսում տեղի ունեցած իրադարձությունը նշանակալի է ամբողջ Կովկասի համար: Այդ օրվանից Կովկասում սկսվում է բացահայտ հեղափոխական շարժումը»⁴⁰:

Իարասկզբին հեղափոխական պայքարի փառավոր էջեր գրեցին Բաքվի և Բաթումի բանվորները: Բաքվում առաջին անգամ բանվորները 1901 թ. դուրս եկան մայիսմեկյան ցույցի: Նույն թվականին գործադուլներ արեցին քաղաքի

³⁸ Տե՛ս ՎՍՍՀ ԿԳՊԱ, ֆ. 7 գ. ք. 326, ք. 137—153, գ. 436, ք. 13, գ. 585, ք. 291, 1901.

³⁹ «Искра», № 6, июль, 1901 г.: Այս ցույցին բացի Մ. Մելիքյանից, Առաքել Օկուաշվիլիից, հայերից աչքի են ընկել նաև Արմենակ Նալաչյանը, Անուշավան Վարդանյանը և ուրիշներ:

⁴⁰ Նույն տեղում:

նատիսովի մեխանիկական գործարանի, ծխախոտի ֆաբրիկայի, Սարունշիի մեխանիկական գործարանի բանվորները, նավթագործները, Թուզ երկաթուղային կայարանի աշխատողները։ Գործադուլային ալիքը ծավալվում է Բաթումի ձեռնարկություններում՝ առանձնապես Սաֆարովի ծխախոտի ֆաբրիկայում։

1902—1903 թվականները նշանավորվեցին քաղաքական ցույցերով և գործադուլներով։ Դրանք, հիրավի, բանվորական շարժման հետագա վերելքի տարիներ էին։ 1902 թ. Դոնի-Ռոստովում տեղի ունեցած խոշոր գործադուլը ցույց էր ազդեցություն թողեց բանվորական շարժումների վրա։ 1902 թ. հունվար-փետրվար ամիսներին գործադուլներ արեցին Բաթումի ձեռնարկությունների բանվորները։ Սակայն ամենից նշանավորը մարտի 9-ի քաղաքական ցույցն էր, որին մասնակցում էին Ռոտշիլդի և Մանթաշևի գործարանների, նավահանգստի, երկաթուղու և այլ ձեռնարկությունների 6000 աշխատող։ Այն ընթանում էր ՌՄԴԲԿ Բաթումի կոմիտեի ղեկավարությամբ։ Ցարական զորքերն ու ոստիկաններն արյունոտ դատաստան տեսան առաջին անգամ քաջահայտորեն զինված գոտեմարտի ելած բանվորների հետ։ Ցույցի ընթացքում սպանվեց 15, վիրավորվեց 54 և ձերբակալվեց 500 մարդ, որոնցից 21 հոգի դատի տրվեցին, իսկ մնացածներն արտաքսվեցին քաղաքից։ Նրանց մեծ մասը զենց Հայաստանի, Վրաստանի և Ադրբեջանի գյուղերը՝ իրենց հետ տանելով հեղափոխական տրամադրություններ։

1902 թ. Բաքվի բանվորների մայիսմեկյան ցույցին մասնակցում էր շուրջ 5000 մարդ։ Բաքվի բանվորներն այդ օրերին գրել են. «Մենք՝ Բաքվի բանվորներս մյուս քաղաքների բանվորներից ետ չմնալու համար, միասին որոշեցինք առաջին քայլը կատարել սուրբ գործի համար... Մենք հիշում ենք ղեկաբրիստների պատասխանը Պուշկինին՝ «Կալծից բոց կրոնկի...»։ Սակայն ուժեղ բոց բորբոքելու համար պետք է մեր կայծերը տարածել ամբողջ քաղաքով մեկ, որպեսզի մեծ հրդեհ առաջանա»⁴¹։

Մայիսյան այս ցույցերից հետո Բաքվում ուժեղացան ոստիկանական հալածանքները, ձերբակալվեցին ցույցերի ակտիվ կազմակերպիչներից 34 հոգի, այդ թվում՝ Բոգդան, Լյուդվիգ, Տիգրան Կնունյանցները, նրանց բուլքը՝ Փառո Կնունյանցը, Բ. Կնունյանցի կինը՝ Ելիզավետա Գոլիկովան, Հ. Մնիլիք-Հովսեփյանցը, զիմնադիտներ Նազարյանցը, Ըզնավորյանցը և ուրիշները⁴²։

Բաքվի պրոլետարիատի բորբոքած «մեծ հրդեհը» բռնկվեց 1903 թ. հուլիսի 2-ին։ Ավելի քան հիսուն հազար նավթագործ բանվորներ, մեխանիկական արհեստանոցների աշխատողներ, տպագրիչներ, նավաստիներ, ՌՄԴԲԿ Բաքվի կոմիտեի զխավորությամբ քաղաքական հուժկու գործադուլի դուրս ելան։ Գործադուլավորների առաջին շարքերում էին Բիրի-Շենյաթի և Սև քաղաքի նավթարդյունաբերական ձեռնարկությունների բանվորները, քաղաքի երկաթուղային ղեկույի աշխատողները, տպագրիչները։ Գործադուլը, տարածվելով, դարձավ ընդհանուր և երկարատև։ Բոլոր նավթահանքերում աշխատանքը դադարեցվեց։ Թերթերը լույս չէին տեսնում, ձիաքաբը կանգ էր առել։

⁴¹ «Искра», № 22, июль, 1902 г.

⁴² «Искра», № 21, июль, 1902 г.: ՄԼԻ-ի Վրացական մասնաճյուղի արխիվ, ֆ. 93, ց. 2, ք. 760, ք. 1—10։

Ամենուրեք տեղի էին ունենում բանվորական բազմամարդ ժողովներ: Քեր շահով և ընդհանրությամբ գործադուլը շտեմարկված է,— այդ օրերին գրել է «Բակրան»⁴³: Բարձի պրոլետարիատի վիթխարի գործադուլին, որը տևեց գրեթե 20 օր, արձագանքեցին Թիֆլիսի, Կիևի, Օդեսայի, Բաթումի, Փոթիայի, Նիսիպոլիտայի, Ալավերդու և այլ վայրերի բանվորները:

ՌՍԴԲԿ Կովկասյան միության կոչով, ի նշան Բարձի պրոլետարիատի պայքարի համերաշխության, 1903 թ. հուլիսի 14-ին գործադուլ հայտարարեցին Թիֆլիսի բանվորները: Երկրամասում մինչ այդ նմանօրինակ գիտակցական և համերաշխ պրոլետարական պայքար չէր եղել: Այդ օրը նշանավոր է նրանով, որ «...Թիֆլիսի բանվորները գործադուլ հայտարարեցին զխավորապես չորրանց և Բարձի ընկերներին պահպանելու, թիկունք տալու համար,— ասված է ՌՍԴԲԿ Թիֆլիսի կոմիտեի 1903 թ. հուլիսի 15-ի կոչում,— միացած ուժերով դրո՞ւ տալու ընդհանուր թշնամու վրա...»⁴⁴:

Անդրկովկասում հուլիսյան գործադուլներին մասնակցեց ավելի քան 100 հազար մարդ, այդ թվում՝ Բարձում մոտ 50 հազար, Թիֆլիսում՝ 15 հազար, Բաթումիում և Փոթիում՝ 10 հազար, Անդրկովկասյան երկաթուղում՝ 5 հազար (Միխայլովո, Սամտրեդի և շրջակայքը), Ճիաթուրի լեռնային շրջանում մոտ 20 հազար և այլն⁴⁵:

Հարավի բանվորների քաղաքական ցույցերն ու գործադուլները հսկայական նշանակություն ունեցան Ռուսաստանի հեղափոխական շարժման համար:

Լենինյան «Բակրան» լայնորեն լուսաբանում էր Անդրկովկասի բանվորների քաղաքական ցույցերն և գործադուլներին ընթացքը: Տասնյակ հոդվածներ, թղթակցություններ և ինֆորմացիաներ են ղետեղվել «Բակրայում» Վրաստանի, Ադրբեջանի և Հայաստանի հեղափոխական շարժումներին նվիրված: Հատկապես արժեքավոր են Բ. Կետևյանցի հոդվածները՝ «Բարձի բանվորների անընդհատ գործադուլների պատճառները», «Նոր կողոպուտ», «Մեր տակտիկայի և կազմակերպության որոշ հարցեր» և այլն: Բուլշևիկյան կազմակերպությունների օգնությամբ հայ բանվորներն ու աշխատավոր ղանդվածներն աստիճանաբար ներգրավվում էին պրոլետարական հեղափոխական շարժման մեջ: «Դաշնակցական» հիպոթեզն անցավ,— գրել է Ստ. Շահումյանը,— հայ բանվորները ներգրավեցին հեղափոխական պայքարի մեջ: Չնայած «գաշնակցականներին» ամբողջ հակագործունեությանը, հայերի մեջ ծնունդ առան առաջին սոցիալ-դեմոկրատական խմբակները, որոնք հայ բանվորներին մի ընդհանուր բանակի մեջ կապեցին վրացի, ռուս և այլ բանվորների հետ և նրանց առաջ դրեցին լայն, հեղափոխական խնդիրներ»⁴⁶:

1903 թ. նշանակալից եղավ կովկասահայերի կյանքում: Քաղաքական ցույցերն ու գործադուլներն արդյունաբերական կենտրոններից թափանցում են հեռավոր վայրերը: Քաղաքական պայքարի են դուրս գալիս Հայաստանի լեռնագործները, երկաթուղայինները և արդյունաբերական այլ ձևերակու-

⁴³ «Искра», № 45, 1-го августа 1903 г.

⁴⁴ «Ռեուլյուցիոն կոչը և թուղթիկներ», ժողովածու, էջ 27—28:

⁴⁵ «Искра», № 47, 1903. Ս. Ս. Արկունդ, Բանվորական շարժումը և սոցիալ-դեմոկրատիան Կովկասում, մաս 1, Երևան, 1929, էջ 130: Նույնի ռուսերենը, Ժնև, 1910, Գ. Պլեխանովի առաջաբանով:

⁴⁶ Ստ. Շահումյան, իժ, հ. 1, էջ 369:

թյունների բանվորները, 1903 թ. ապրիլի կեսերին գործադուլ են անում Շամլուղի պղնձահանքերի բանվորները՝ առաջադրելով մի շարք պահանջներ, այդ թվում՝ բարձրացնել իրենց աշխատավարձը, ստեղծել տանելի պայմաններ, վերջ տալ կապալառուների կամայականություններին⁴⁷։ Ֆրանսիական ընկերության գործակալները և տեղական կապալառուները ճնշեցին հանրագործների գործադուլը։ Առաջավոր բանվորներից մի քանիսին իրեն «անբարենպույսներին» և «բունտարարներին» հեռացրին աշխատանքից։

Այսպիսով հանրագործների քաղաքական հաջորդ ելույթը տեղի ունեցավ 1904 թ. գարնանը, որը նույնպես ճնշվեց իշխանությունների միջոցով։ Նրանք օգտագործում էին բանվորների անկազմակերպվածությունը, երկպառակություններ առաջացնելով նրանց մեջ։ Այնուամենայնիվ հանրագործների այդ անդրանիկ գործադուլներն զգալի նշանակություն ունեցան բանվորների համախմբման, քաղաքական դաստիարակության բարձրացման, գասակարգային ինքնագիտակցության ձևավորման համար։

1902—1903 թթ. տնտեսական հողի վրա գործադուլներ արեցին Ալեքսադրապոլ և Ղարաբիլիսա կայսարանների երկաթուղայինները։ 1904 թ. բռնկվեցին նոր գործադուլներ, որոնցից նշանավոր էին Ալեքսանդրապոլի բանվորներին, սպասարկման ոլորտի աշխատողներին և տնային ծառայողներին, Ուլուխանլու-Ջուլֆա երկաթուղու բանվորների գործադուլները։ Ապրիլի 29-ին գործադուլ արեցին Ալեքսանդրապոլի արդյունաբերական ձեռնարկությունների և փոերի աշխատողները։ Նրանք պահանջում էին բարձրացնել աշխատավարձը, կրճատել բանվորական օրը, բանվորներին տալ բժշկական ձրի օգնություն, հանրակացարան, արձակուրդի ժամանակ պահպանել աշխատավարձը, հաստատել գիշերային հերթապահություն և այլն։ Ապրիլի 30-ի գործադուլը ճնշվեց դաշնակցականների ակտիվ օգնությամբ, իսկ առավել աչքի ընկնող ղեկավարները ենթարկվեցին հալածանքների։ Թեև Հայաստանում 1902—1904 թթ. տեղի ունեցած գործադուլները հիմնականում տնտեսական բնույթ ունեին և իրենց վրա կրում էին անկազմակերպվածության կնիք, բայց դրանք քաղաքական կարևոր նշանակություն ունեցան։ Հայաստանի պրոլետարիատի առաջամարտիկները դարասկզբին պարզելով գործադուլային դրոշմ՝ աստիճանաբար քննադատեցին գասակարգային պայքարի տղին, Հայաստանի աշխատավոր մասսաների մեջ արդեն իր ծիլերն էր արձակել հեղափոխական սոցիալ-դեմոկրատիան։

Քաղաքին հետևեց գյուղը։ Բանվորական հեղափոխական շարժման հարաճումը վերելքն Անդրկովկասում ոտքի էր հանում ցարիզմի, կալվածատերերի և բեգերի ծանր լծի տակ տառապող և հարստահարվող աշխատավոր գյուղացիությանը։ Երկրամասում ագրարային շարժումներ են բռնկվում։ Առաջին գյուղացիական ընդվզումը տեղի ունեցավ 1902 թ. գարնանը Քուսաբիսի նահանգի Օդուրգեթի գավառում։ Նույն թվականի մայիսին մասսայական գյուղացիական շարժումներն ընդգրկեցին Գուրիան, Թիֆլիսի նահանգի Գորիի գավառի գյուղերը։ Ռուսաստանում ագրարային պայքարի ելած գյուղի աշխատավորության օրինակով գյուղացիները համոզվում էին, որ «Ոչ ոք մոծիկներին չի ազատի չինոսիկական տգրուկներից, եթե մոծիկներն իրենք իրենց

47 Տե՛ս ՄԼԻ-ի հայկական մասնաճյուղի արխիվ, ֆ. 40, գ. 3, ք. 8։

շաղատեն, եթե նրանք չմիավորվեն՝ իրենց բախտն իրենց սեփական ձեռքը վերցնելու համար»⁴⁸։

Գյուղացիական ելույթներ եղան նաև Զուգդիդիի, Ախալքալաքի և այլ գավառներում, որոնց վրա մեծ ազդեցություն էին գործում 1903 թ. մարտի 9-ի Բաթումի քաղաքական ցույցի պատճառով գյուղերի արտաքսված հազարավոր բանվորները։ Բաքվի պրոլետարիատի 1903 թ. ամառային քաղաքական ցույցերի ազդեցությամբ Բաքվի, Նյխավետպոլի, Շամախիի, Նախիջևանի, Լենքորանի գավառներում, Ջաբաթալայի օկրուգում և այլ վայրերում նույնպես ագրարային ելույթներ ծավալվեցին։ Հայկական գյուղը ևս շարժման մեջ է մտնում։ Երևանի, Սարգարապատի, Էջմիածնի, Խոռու, Նոր Բայազետի, Զանգեզուրի, Գարապետյանի և այլ շրջանների գյուղացիները, որ հողի, ջրի, արտավայրերի համար մշտական դժգոհության մեջ էին ցարական կառավարությունից, մուլքադարներից և մյուս հողատերերից, ելնում են պայքարի։

1901 թ. փետրվարին Երևանի նահանգի Էջմիածնի գավառի Փոքր Շահ-բիար, Մարգարա, Արզնի, Ելզովան և Ներքին Ղուլյասար (այժմ Դիմիտրով) գյուղերի 30 վերաբնակյալ ընտանիքներ, որ եկել էին Արևմտյան Հայաստանից, դիմում են նահանգի պետական գույքերի կառավարչին՝ պատմում իրենց հողազրկության, տնտեսական ծանր վիճակի մասին և պահանջում Զիրուխի (Վարդանաշեն) պետական կալվածքներից իրենց հող տրամադրել։ Նույն թվականի օգոստոսին Բուհամուլի (Երևանի նահանգ) գյուղացիները բողոքում են մուլքադար Մահմեդ Սուլթանովի դեմ, որն ապօրինաբար մուլք էր հավաքում։ Գյուղացիները պահանջում էին պաշտպանել իրենց իրավունքները։ 1902 թ. հուլիսին Ներքին Ղուլյասարի գյուղացիները դիմում են Երևանի նահանգապետին և պահանջում կատարել իրենց գյուղի պետական-մուլքադարական հողի նոր վերաբաժանում, պատճառաբանելով, թե գյուղի կուլակներն ու արտոնյալ դասերն անցյալ տարիների ընթացքում բռնազրավելով գյուղի հողերը, ծայր աղքատության են հասցրել գյուղացիների մեծ մասին։ 1902—1903 թթ. Էջմիածնի գավառի Սարգարապատի (Հոկտեմբերյան) գյուղացիները պայքարի մեջ էին և անընդմեջ բողոքում էին Երևանի նահանգապետին կալվածատեր Եղիազարովի ապօրինի արարքների դեմ։ Նա զավթել էր գյուղացիներին պատկանող հողն ու ջուրը։

Բեգերի և կուլակների դեմ ուղղված գյուղացիական լուրջ հուզումներ եղան Զանգեզուրում, որոնց վրա ազդեցություն էր գործել Բաքվի պրոլետարիատի պայքարը։ Տաթև, Շինուհայր (Շենկեր), Խնձորեսկ և այլ գյուղերի բնակիչները հաճախ հրաժարվում էին պետական ու կալվածատիրական հարկերը վճարելուց։ Շինուհայր գյուղի բնակիչների ելույթը ճնշելու համար այնտեղ է մեկնում Զանգեզուրի գավառապետը։ Գյուղացիները դիմադրում են և թույլ չեն տալիս, որ նա գյուղ մտնի։ Տեղի է ունենում ընդհարում։ Գավառապետը այնուհետև ճանապարհվում է Տաթև։ Այստեղ ևս նա հանդիպում է նույն վերաբերմունքին։ Ոգևորված շինուհայրցիների օրինակով, Տաթևի գյուղացիներն ավելի ուժեղ դիմադրություն են ցույց տալիս, հարձակվում են կազակների վրա, դուրս բշտում գյուղից և հետապնդում մինչև վանքը։ Խիզախ լեռներցիների գրոհներից սարսափած գավառապետը մշտական զորք է խնդրում։ «Շինուհայրցիների օրինակին կարող է հետևել ամբողջ բնակչությունը, — գրել

է գաղափարները, — եթե գաղափարում չլինի զինվորական ուժ: Այդ իսկ պատճառով խոսարհարար խնդրում եմ ուղարկել կազակների երկու հարյուրյակ և բաժանելով, նրանցից մեկը տեղավորել Շինուհայրում, իսկ մյուսը՝ պատահական անհրաժեշտության համար պահել Գորիսում»⁴⁹:

Ռուսական առաջին հեղափոխության նախօրյակին Հայաստանում բռնկված հակակալվածատիրական, ագրարային շարժումների մեջ նշանավորը լոռու շրջանի Հաղպատ գյուղի գյուղացիների 1903 թ. ելույթն է: Հաղպատի գյուղացիության առաջին ելույթը, ուր ուղղված էր կալվածատեր Բարաթովի և նրա հեծելապահներին դեմ, տեղի ունեցավ 1903 թ. մայիսին, իսկ երկրորդը՝ նույն թվականի նոյեմբերին: Լինելով Ալավերդու և Թիֆլիսի բանվորական կենտրոններին մոտ, Հաղպատի գյուղացիներն իրենց վրա կրում էին սոցիալ-դեմոկրատիայի ազդեցությունը:

Հաղպատում տիրակալում էր իշխան Բարաթովը, որն ուներ հազարավոր գեւայատին հող, մինչդեռ գյուղացիները սակավահող կամ հողազուրկ էին: Կալվածատերն անգույն կերպով կենդեում էր գյուղացիներին, ստիպում նրանց բարձր զենքով վարձակալել իր հողը: Նրանք իրեն ժամանակավոր պարտավորյալներ կալվածատիրոջը տարեկան վճարում էին բերքի $\frac{1}{4}$ -ը, կամ 1400 փութ ցորեն՝ բահրա, 100 սալ խոտի բահրա, որը հավասար է 400 ուրլու, արոտավայրերի դիմաց 1300 ուրլի, 8 փութ յուղ, 20 փութ պանիր, Դեբեղում որսվող ձկան կեսը (տարեկան մոտ 50 փութ ձուկ), այգիների բերքի $\frac{1}{4}$ -ը, 2 ու 50 կոպեկից մինչև 5 ուրլի (նայած տնտեսությանը, միջինը կազմում է 4 ուրլի) ծխի հարկ, տարեկան 20 փութ բնկույզ: Բացի այս բոլորից, Բարաթովը հաղպատցիներից տարեկան լրացուցիչ գանձում էր նաև 1500 ուրլու այլ հարկեր⁵⁰, Բարաթովի կալվածքները, որ տարածվում էին Հաղպատի շրջակայքում, առանձին տեղերում մխրճված էին գյուղացիներին պատկանող հողաբաժինների մեջ, Կալվածքների նման մասնատված վիճակը կալվածատիրոջը ցանկալի չէր, քանի որ դրանից մասամբ շահում էին «Տանդուզն» գյուղացիները, երբեմն օգտագործում նրա առանձին հողակտորները, առաջին հերթին լեռնայի դուռն արոտավայրը: Բացի այդ, գյուղացիներին բնկնելու և կախման մեջ պահելու, իր կալվածքները հարևան գյուղերի կուլակներին կամ կալվածատերերին կապալով տալու համար հարկավոր էին ամբողջական հողամասեր: Այդ նպատակով 1903 թ. զարնանը Բարաթովը առաջարկում է գյուղացիներին՝ «գիշել նրան իրենց հողերը և փոխել նույն քանակությամբ ուրիշ հողերի հետ»⁵¹: Գյուղացիները դիտենալով հանդերձ, որ ուժը և ցարական օրենքը հովանի են Բարաթովին, բայց և այնպես վճեցին մեղքին նրա առաջարկությունը: Դրանից հետո կալվածատերը որոշեց «...ինչ էլ տր լինի, նույնիսկ ուժով գյուղացիներին իր կողմը գրավի և իր մտադրությունն ի կատար ածի: Այս նպատակով սկսեց զանազան որոգայթներ լարել և ճնշել գյուղացիներին: Այս-

49 Ա. Մարախյան, Հայ գյուղացիության պայքարը հողի համար (1905—1907 թթ.), Հայկական ՍՍՀ ԳԱ «Տեղեկագիր», 1955, № 5, էջ 69:

50 Տե՛ս եր. Մելիք-Յուլյան, Չորս տարի Հայաստանի բանվորական շարժման պատմությունից, 1903—1907, Երևան, 1924: Զ. Ս. Մելիքյան, Մարքսիստական կազմակերպությունները և ուսույցիչների շարժումները Լոռիում (1899—1908), Երևան, 1957:

51 «Պրոլետարիատի կոլի» թերթիկ, № 5—6, 15(28) հունվարի 1904 թ., «Նամակ Հաղպատից»:

պես օրինակ, նա բոլորովին արգելեց գյուղացիներին անցնել հենց իրենց՝ գյուղացիների ձեռքով շինած կամրջով...»⁵²։ Սակայն չկարողացավ իրագործել այդ և որոշեց կամրջից անցնելու համար ամեն մի շնչից ու անասունից գանձել 40-ական կոպեկ հարկ, բայց նրա այդ կամքն էլ չկատարվեց։

Ազա՛հ կալվածատերը տարեցտարի բարձրացնում էր կապալավարձը։ 1902 թ., երբ նա նորից բարձրացրեց այն, գյուղացիները հրաժարվեցին նրա կալվածքներից բարձրացված գներով հող վարձակալել և սկսեցին մշակել իրենց անորակ այն հողակտորները, որոնք ստացել էին ռեֆորմից հետո։ Այժմ էլ Բարաթովը պահանջեց կրկնակի տուրք վճարել անմշակ հողերի համար, արգելեց օգտվել արոտավայրերից և այլն։

Գյուղացիների համերկության բաժակը լցվել էր։ Նրանք հրաժարվեցին կատարել կալվածատիրոջ նաև այս պահանջը։ Ստեղծվեց լարված դրություն։ «Վերջերս իշխան Բարաթովի... և գյուղացիների միջև հարաբերություններն այնքան սրվել էին,— Թիֆլիսի նահանգապետին գրել է Բորչալուի գավառապետը,— որ նկատվում էին բրնական բնույթի դեպքեր, ըստ որում, ակտիվ մասնակցություն էին ցույց տալիս հաղպատցիները, իսկ պատսիվ գեր էին խաղում սեփականատերերը, որի փաստական իրավունքները կամաց-կամաց խախտվում էին հաղպատցիների կողմից»⁵³։ Բարաթովը դիմում է իշխանության օգնությանը։ Մայիսին Հաղպատ են ժամանում հեծելապահները ու անտառապահները՝ 1902 թ. «պարտքի» և 1903 թ. կապալավարձի դիմաց գյուղացիների անասուններն ու զույքը բռնագրավելու համար։ Գյուղացիները, նույնիսկ կանայք ու երեխաները, զինվելով բահերով, մահակներով և ինչով հնարավոր էր, գյուղից դուրս են բռնում նրանց։

Կալվածատերը դիմեց ցարական դատարանին։ Թիֆլիսի օկրուգային դատարանը հարցը լուծեց նրա օգտին։ Բորչալուի գավառի ոստիկանական պրիստով իշխան Ավալովը, ստանալով վճիռը, Բարաթովի կալվածքի կառավարիչ Արդուղեղիշվիլու, Ավալիդու համայնքի ավագ Պետուկա Խարիտովի հետ միասին, հեծելապահներով ուղեկցությամբ, 1903 թ. նոյեմբերի 8-ին զալիս է Հաղպատ։ Ավալովը գյուղացիներին հավարտում է հաղպատի վանքի մոտ և պահանջում «սահմանված կարգով» կատարել դատարանի որոշումը, կամավոր կերպով ազատել արոտավայրերը, վերգրման ներկայացնել անասունները։ Մինչ այդ նոյեմբեր 5-ին գյուղացիներն ընդհանուր ժողով էին գումարել և որոշել դիմադրել, ոչ մի հարկ չվճարել, բռնագրավել Բարաթովի հողերը և բաժանել իրենց մեջ։ Գյուղացիները Ավալովի պահանջները մերժեցին։ Դրանից հետո ավելի քան 60 պահուրդներ հավաքեցին գյուղի և ձմեռանոցի անասունները և ցուցակագրեցին՝ Բարաթովի պահանջած 5000 ռուբլի պարտքի և նրան հասցված «վնասի» դիմաց, Ավալովը հրամայեց բոլոր անասունները բշել Հաղպատից 3 վերստ հեռավորության վրա գտնվող կալվածատեր Բարաթովի գրասենյակի մոտ։ Դեռ չէին հասցրել տեղից շարժվել, երբ ամբողջ գյուղը մեկ մարդու պես հարձակվեց նրանց վրա։ Կանայք և երեխաները առաջինը փակեցին ճանապարհը և անասունների եղջյուրներից կախված աղաղակում էին՝ «օգնեցեք, մեզ կողոպտում են»։ Պրիստավը հրամայեց ժողովրդին ծեծել մտրակներով։ Այդ էլ լռեցին։ «Հենց այդ մոմենտին գյուղից միանգամ-

52 Նույն տեղում։

53 ՎՍՄԷ ԿԳՊԱ, ֆ. 34 գ., գ. 431, թ. 13։

մից բացվեց հրացանային կրակ։ Իսկ անասունները մնալով բախտի քմահաճույթին, իսկույն բշվեցին հովիվների կողմից»⁵⁴։ Պահնորդները, շղիմանալով գյուղացիների գրոհներին, կռվով նահանջում են դեպի Ախթալա։ Ապրտամբները հետապնդում են նրանց և փորձում նորից շրջապատման մեջ զցել։ Բայց վերջիններիս հաջողվում է ազատվել հետապնդումից։



Հաղպատի գյուղացիների ապստամբությունը 1903 թ. Գործ էդ. Խաթեկյանի

Նոյեմբերի 8-ի զինված ելույթի ժամանակ սպանվեց 8 մարդ, որից 4-ը կին, շատերը մարմնական ծանր վնասվածքներ ստացան։ Ապստամբ գյուղացիների դիմադրությունը ճնշելու համար Քիֆլիսի նահանգապետի կարգադրությամբ 75 հոգուց բաղկացած կազակային մի ջոկատ ուղարկվեց Հաղպատ։ Նոյեմբերի 10-ին Հաղպատ լցվեցին մոտ 150 զինված կազակներ և պահնորդներ, բազմաթիվ բարձրաստիճան պաշտոնյաներ, այդ թվում՝ գավառապետը, Գյուղի վրա բռնակառնարում (էկզեկուցիա) գրվեց։ «Զի կարելի նկարագրել այն գազանությունները, որոնք տեղի ունեցան այնտեղ, Կազակները թափվելով տները, կողոպտում էին այն բոլորը, ինչ որ ձեռքի տակ էր ընկնում... Կանանց զլխի զարդերը և գյուղացիների հավաքած մի քանի կո-

⁵⁴ ՍՍՀ ԿԳՊԱ, ֆ. 34, գ. 431, ք. 14։

պեկները բոլորովին անհետացան: Ամբողջ գյուղը կողոպտելուց հետո արդեն սկսեց տեղի ունենալ սարսափելի բռնակատարում: Կազակները ծեծելով միմյանց էին հանձնում գյուղացիներին: Խեղճ գյուղացին աղատվում էր այն ժամանակ, երբ բոլորն արդեն անխնա ծեծել էին: Գյուղացիներն աղատվում էին հարևան գյուղերը փախչելով, ցարի գազանացած ծառաներից՝ զորքերից... Գավառական պրիստավը այս գաղանալություններից հետո ման էր գալիս՝ ասելով. «Հաղպատը մենք հավասարեցրինք հողի հետ, այնտեղ ալյուս խոտ չի բուսնի»⁵⁵: Ավելի քան տասն օր տեղեց հաշվեհարդարը: Գյուղացիները զրկվեցին ոչ միայն անասուններից, այլև արոտավայրերից: Բռնագրաված միջոցներից 5000 ռուբլի տրվեց իշխան Բարաթովին: Ձերբակալվեց 200 «անբարեհույս» գյուղացի, բանտարկվեց 60 մարդ, այդ թվում 18 հոգի նետվեց Քիֆ-լիսի Մետեխի բանտը: Հաղպատի նույնմերի 8-ի գյուղացիական ելույթի կազմակերպիչներն էին գյուղացիներ Արզուման Սոխիկյանը, Սարգիս Աթանասյանը (Այնալով), Կամսար Մելքումյանը, Գրիգոր Երզնկյանը, Շաքար Երզնկյանը: Նրանց ակտիվ աշակցում էր գյուղի քահանա Հարություն Երզնկյանը:

Չնայած համառ դիմադրությանը, Հաղպատի գյուղացիների 1903 թ. նոյեմբերյան ելույթը ճնշվեց: Վ. Ի. Լենինը, խոսելով 1902—1903 թթ. գյուղացիական ապստամբությունների մասին, նշել է, որ «Յարսկան կառավարությունը նրանց հայտարարեց սովորական խռովարարներ ու կողոպտիչներ (նրա համար, որ նրանք կողոպտիչ կալվածատերերից խլում էին հենց գյուղացիների ցանած ու հնձած հացը), ցարական կառավարությունը նրանց դեմ զորք ուղարկեց, ինչպես թշնամիների դեմ, և գյուղացիները ջարդվեցին, գյուղացիների վրա կրակեցին, շատերին սպանեցին, գյուղացիներին գազանաբար ծեծի ենթարկեցին, ծեծելով մահվան դուռը հասցրին...»: Հետո, Վ. Ի. Լենինը շարունակում է. «Գյուղացիները պայքարում էին արդար զործի համար: Ռուսական բանվոր դասակարգը մշտապես կհարգի ցարական ծառաների ձեռքով զնդակահարված ու հոշոտված նահատակների հիշատակը: Այդ նահատակներն աշխատավոր ժողովրդի ազատագրության ու երջանկության համար մարտնչողներ էին: Գյուղացիները ջարդվեցին, բայց նրանք նորից ու նորից ոտքի կեննեն, նրանք հոգեպես շեն ընկճվի առաջին պարտությունից»⁵⁶:

Վ. Ի. Լենինը կանխանշում էր հեղափոխության բուռն վերելքը, որտեղ աշխատավոր գյուղացիությունը բանվոր դասակարգի ղեկավարությամբ ու նրա հետ դաշնակցած ակտիվ զեր ունեն կատարելու:

3. ՀԱՅԿԱԿԱՆ ԵԿԵՂԵՑԱԿԱՆ ԿԱՎԱՍԲՆԵՐԻ ԲՈՆԱԳՐԱՎՈՒՄԸ ԵՎ ԺՈՂՈՎՐԴԱԿԱՆ ԵԼՈՒՅԹՆԵՐԸ 1903—1904 ԹՎԱԿԱՆՆԵՐԻՆ

1836 թ. մարտի 11-ի «Պոլոժենիե»-ով ցարական կառավարությունը՝ ճանաչել էր հայ լուսավորչական եկեղեցու սեփականության իրավունքը: Հայոց եկեղեցին ուներ զգալի հողատարածություններ, ջրաղացներ, առևտրական կրպակներ և այլ եկամտաբեր գույք⁵⁷: Հայ եկեղեցու ընդհանուր ունեցվածքի

⁵⁵ «Պրոլետարիատի կոլի» թերթիկ, № 5—6, 1904:

⁵⁶ Վ. Ի. Լենին, ՆԼՏ, հ. 7, էջ 248:

⁵⁷ Տե՛ս Մխիթար վարդապետ, Հայերը Ռուսաստանում, Վաղարշապատ, 1906, էջ 1—21, 39—40: